

四庫全書存目叢書編纂委員會編

齊魯書社


四庫全書存目叢書

集部
第二八一冊



責任編輯：孫言誠 賀 偉

ISBN 7-5333-0615-5



9 787533 306151 >

EB41/11

四庫全書存目叢書·集部二八一

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092 毫米 16 開本 51.75 印張

1997 年 7 月第 1 版 1997 年 7 月第 1 次印刷

印數 1-100

ISBN 7-5333-0615-5

Z·60 集部定價：127800 圓

集部第二八一冊目次

集部·別集類

史復齋文集四卷

〔清〕史調撰
北京大學圖書館藏清乾隆刻本

一

卓山詩集十六卷

〔清〕帥家相撰
江西省圖書館藏清嘉慶二年刻本

四八

瓠息齋前集二十四卷

〔清〕凌樹屏撰
首都圖書館藏清乾隆二十四年刻本

二五五

問義軒詩鈔二卷

〔清〕莊綸渭撰
北京圖書館分館藏清乾隆刻本

四〇七

玉芝堂文集六卷詩集三卷

〔清〕邵齊燾撰
湖北省圖書館藏清乾隆刻本

四四〇

凝齋先生遺集十卷末一卷

〔清〕陳道撰
福建省圖書館藏清乾隆刻本

五六一

柘坡居士集十二卷

〔清〕萬光泰撰
南京圖書館藏清乾隆二十一年汪孟錫刻本

七一八

綠杉野屋集四卷

〔清〕徐以泰撰
吉林大學圖書館藏清乾隆刻本

七九四

史復齋文集四卷

〔清〕史調撰

北京大學圖書館藏清乾隆刻本

附《四庫全書總目·史復齋文

集四卷》提要

序

關中舊多積學力行之士言動悉遵先儒矩矱斷析
人已義利之介粹然一出於正而不敢一念偶弛其
防莫如余年友華陰復齋史先生也華陰自顧亭林
王山史兩先生講學以來士多窮經汲古砥節礪行
以蘄造乎古人境界凡所以立身誨人者往往奉橫
渠張子爲準的復齋先生生而醇謹少卽以實學自
策年踰弱冠補博士弟子員有聲藝林庚子舉於鄉
余亦於是科登浙江賢書試禮部相聚京師卽知先
生爲關中篤學君子也乾隆丁丑冬嗣君猶龍由教

史復齋文集序

一

諭赴銓曹候補明府賁先生遺集示余并索余序余
匝月卒業作而歎曰先生脩己收民育才訓子無念
不軌於正真不愧儒者模範也先是先生爲諸生時
早爲華陰明府簡霞山所器重授以王河濱集先生
卽恍然曰學非僅博科名也將以求其在我者而已
自是學日以進事事以聖賢爲圭臬方其出宰仙遊
也愛民課士約束期會皆以實心行實政多與上官
鑒柄甫十月卽決意請去以視淵明之辭彭澤何多
讓焉歸田後西安崔大中丞紀重先生爲篤行君子
聘爲關中書院山長教士先器識而後文藝一時素

爲人師蒸蒸丕變見者不問而知爲先生弟子也嗚呼如先生潛於榮利奉身以退人盡高其風而不知其力學也以實不以名其牧民也能養復能教其育才訓子也又事事務爲躬行實踐而使合於義路禮門後之人有能繼先生之學與教者關中之實學庶幾留一綫於勿替矣乎會稽年弟周長發拜撰

史復齋文集

序

二

序

奮志於科甲者有矣吾未見不汲汲於祿仕者也需次於仕進者有矣吾未見不營營於宦業者也溺情於仕宦旋起旋蹶如南宮敬叔者有矣吾未見於繁華多麗之場急流勇退歲不待周瓜不待期托以羸疾而引去者也今皆於史君復齋先生見之或曰若好名者也抑矯情者也且過於自重者也余曰汝何所見夫名者實之實猶身之有衣也衣服附在吾身而塵垢之必浣袒而臂裸而身曰形全可乎情則性之發也果其廉貞方正乃率性而出者也非矯也世之所謂情乃聲色貨利而已忘乎情今有以夜光之珠而彈鷓鴣者人必駭之謂其珠不貴而一鳥微也就而入和而出彼且爲褻褻我亦與爲褻褻彼且爲同濫我亦與爲同濫及溺而已矣數者人之隱微痼疾而君固自無恙也飲狂泉者一人不顧反目以狂宜其爲君病而豈知君之勿藥有喜乎然而君自此遠矣余與君生平未之相識君沒後四年而君之子孝廉猶龍哀君稿來問序文集語類真切簡至想見其爲人有康節之安樂無靖節之枯槁有顏介之遺規無樂天之任誕峻不至厲恬不至隨如水之有坊

史復齋文集

序

三

輿乘之有開鑄金之有樞范關中之德造所薰沐者
多矣余言非誇也余蓋徵信於虞村先生君宦於仙
遊其鄉士之以公車來者猶能言曰清吏也吉人之
詞君子之守於斯見之彼哉夫已可以息喙矣
乾隆十六年四月秀水諸錦頓首拜撰

史復齋文集

序

四

史復齋文集目錄

男猶龍敬輯

卷之一

稟本府第三帖

告病詳文

平糶事宜

禁餽遺

禁招搖

端士習

禁慣訟

史復齋文集目錄

二

詰諭里民俗言

戒安逸俗言

荒政要畧

義倉目畧

卷之二

志學要言序

薛文清公從政名言序

鏡古編序

重修華山雲臺觀朱子祠堂序

樂則集說序

跋高士傳

跋養豫企聖編

退老論

祭簡霞山先生文

辭帥藩臺請掌關中書院書

辭烏太守請掌關中書院書

辭保舉賢良方正

謝王太守書

答同年黃進士書

附黃進士書

寄學博王季館書

史復齋文集

目錄

卷之三

三則求士

橫渠書院學規

橫渠書院策問四目

橫渠書院公論

雲臺觀書舍公論

諭子書

卷之四

語錄

功過式

附刻

先公文林郎行述

墓誌銘

墓表

祭文

御史崔紀承濟

翰林孫景烈武城

歲進仇恮富平

史復齋文集

目錄

三

稟本府第三帖

竊居其官者盡其職若才力不及病軀誤公皆當求去以待能者此進退之大義聖賢明訓昭昭難容纖毫委曲者也今職蒞任七月有餘德不足令人感威不能使人畏才力不及無庸言矣兼之半身不遂吐紅兩次精神衰憊諸務廢弛職即貪位諱病延遲歲月憲臺亦應裁之以義誨之使去此皆天理之公非有所薄於職也聞憲臺晉省望於各上憲前直言職

史復齋文集卷之一

二

多病堅欲求去之意一以全進退之節一以免誤公之愆玉成栽培寬從道義起見其勝保薦之恩奚啻什倍職寔心祝之臨稟翹首不勝悚仰乾隆七年三月二十七日

告病詳文

為病軀寔難供職懇恩迅賜告休以免貽誤事竊職自乾隆六年七月二十六日到任蒙列憲格外優容雖竭盡駑駘莫報萬一而年方五十齒未就衰正宜驅勉辦公曷敢遽萌退志乃因向有痰火病症時常發作客歲冬杪即患半身不遂暈迷兩日方得醒悟

倩醫調治畧見痊可然墮廢公事亦不少矣今歲入

夏舊疾轉甚又復吐紅兩次飲食少進諸癆病症俱發屢求醫治藥餌罔功代念仙邑界連泉郡民刁俗頑非精神健旺之人必失照管貽悞地方倘再遷延戀職上負憲仁下沉民寃病軀總不足惜公事豈可一日不理捫心自問頃刻難安急合據寔詳明懇憲臺俯念地方緊要迅賜委員接任庶公事有賴殘喘可延再職所櫻之疾委係虛勞之症必須靜攝難以刻期調理情願回籍永遠休致合並聲明乾隆七年五月十五日

史復齋文集卷之一

二

稟各憲平糶事宜

竊仙邑倉穀已於四月初八日平糶復即報明在案職再三籌畫設法惟恐遠近不能遍及又人多必致擁擠守候以及地棍重買囤積等弊故設廠東西南北四處驗明門牌收錢給票赴倉復驗明牌票領穀每票止許二斗如路遠及人過十口者許三斗每人一日止許買票一次本日買過之後卽在門牌內用戳註明下次輪期再糶又復戳記查仙邑共十四里並分日分里一四七日糶折桂興泰功建文賢興賢等里二五八日糶香田善化萬善永興等里三六九

日羅安賢連江孝仁慈孝仁德等里先行給示遍諭使遠近得以均沾老幼俱無守候地棍無由重買至逢十一日暫停糶賣以爲核算所糶錢穀總數不致日久滋弊其分日糶穀之里又分穀厥功建善化孝仁近縣人衆入西倉餘里入東倉又慮最苦窮民不能多錢買穀後將倉穀陸續碾米照一米二穀之價零星平糶自一二升以至五六升不等驗牌領票俱在北門米廠另設一處在縣治二門內總計每日四處給票三處糶穀米抵倉魚貫而入先後不素老幼均齊民俱稱便除行典史幫辦外職仍不時親往收

史復齋文集 卷之一 三

錢發穀之處抽驗牌票查稽升斗各民俱依期赴買安靜守法並無一人擁擠爭鬧各辦事吏差局於照牌給票照票給米之法又臨晚將存留底票與外票逐一磨對伊等技無所施弊竇以絕再查楓亭地方逼近海邊有毗連香田連江慈孝等里居民稠密離縣寫遠不通溪水民食甚艱適有臺郡彰化縣運過仙邑穀五百石貯倉船灣泊涵江海因溪河乾涸不能搬運來縣職畧行變通現在差押各船戶將各臺穀仍由海邊運赴楓亭平糶接濟所有在城倉穀內扣五百石以作臺穀存倉既省陸運之艱又有移

粟就民之利而倉穀並不至有闕乏一轉移間而數得其便已飭委楓亭司就近妥協辦理四月初九日捧讀憲臺密諭仰見憂國憂民平糶杜弊之良法職更當留心密察必不敢卑汚自處希圖纖悉並不使有絲毫公上負 國恩並負憲臺愛恤窮黎至意至於仙邑存倉各穀共四萬六千零每日糶過三四五百石不等或日後倘有不敷另請憲示職臨稟不勝仰切之至

禁餽遺

居官受餽遺非理也凡縣中紳士耆庶惠好本縣者望勸誨鄉人各習醇良以匡不逮懷感多矣若投贈等物卽菽菜菓品槩不敢領鹽當等商日夜營謀苦辛堪憫或有贏餘宜贍家室凡一切規禮水儀亦俱不受把門家人或受人一物及得人絲毫銀錢者查出重究不貸與者照例同治

禁招搖

爲嚴禁招搖以肅官方事照得居官以清操爲重安民以除弊爲先本縣蒞任以來一切陋規悉行革外誠恐家丁及六房三班人役藉官誑騙亦未可定合再曉諭示禁爲此示仰閭閻士民人等知悉本縣

史復齋文集 卷之一 四

聽斷詞訟準依情理或有不明決無故錯若聽人囑托害虐困窮受人分文顛倒是非有一於此神鬼共誅但查仙邑好訟之徒不惜銀錢竊恐奸人乘隙而入或衙役假稱托情或胥吏揚言通緝或門上家人潛通賄賂又人財物或傳話書辦探窺意旨騙人銀錢如此等弊累官害民深可痛恨爾百姓中有遭此害者無論狀詞輸贏俱許具呈首縣追還原銀受者依律重懲如不自首被別人告發究明即以銀給告發之人與受同體治罪爾等良民其仰體本縣一片婆心毋悞墮奸術毋畏縮不前各宜遵稟毋違特示

史復齋文集

卷之一

五

端士習

爲端士習以維風教事照得紳士之所以可重者以其常學問知義理飭行勵節鄉里觀感移易風俗也其次亦須謹出入嚴子弟爲鄉黨自好之士仙邑紳士有品有行正自多人其抱呈疊訟出入公衙亦復不少當堂詰諭俱云萬不得已夫學者讀書貴體書中所言勉強力行變化氣質顏夫子犯而不校孟子云橫逆自反豈皆無不得已之事耶抑顏孟必不可學耶即今本邑紳士內亦有杜門自守片紙隻字不投公庭者豈此等正士所遇皆得已而若輩所遇皆

不得已耶機變之巧無所用恥好訟之子特工機變耳本縣以迂腐書生待罪茲邑自愧不德不能整易風俗但願境內悉爲好人此心無時刻能忘如前所稱正士本縣愛之重之願好訟者效之否則以本縣禮待紳士之故不自寶重妄生事端名爲紳士何異齊民大乖士人行己之常重負本縣期望之意恥辱之至寔惟自取其各慎之稟之特諭

禁慣訟

爲嚴禁慣訟以正人心以維風俗事照得上乘之人與人不競觀君子無爭犯而不較與禽獸奚擇之語

史復齋文集

卷之一

六

可見若中人則須是忍忍到熟處自然量大福大或偶有訟必事涉偷理關係人心風俗不得已爲之者也若好訟則品斯下矣不識廉恥不畏人言以安靜守分爲無能以出入公衙爲多才不自愛就其焉夫訟之端有開自上者有開自下者官長貪利家人衙役招搖由是豪富之家狡棍之子結交胥役紛然敢訟此弊本縣宜自清之不貪人一錢不聽家人衙役一慫恿之詞如有借官騙人錢財者或本縣訪知或被入告發必根尋嚴治不貸贖貨之私既絕請托之風必除爾百姓其釋意外疑慮若開自下者其弊百

端難以盡指今特以害之昭然者爲例等折言之士農工商各有其業一紙投衙便不自由質審稽遲公庭守候不惟情性染於街棍抑且本業爲之荒頽士東詩書農懸耒耜此廢時失業其害一也生理本直慣訟之人失其本心事本微小演成江河迹涉疑似裝成佐據或因人之無口辨而多設繁難或因人之寡資囊而故遲時日意想所到詭於魑魅筆墨之慘毒於斧鉞官長受罔弱民叫寃吐干天地之和下短奕葉之福此滅絕天理其害二也安靜醇朴之美德多事善訟俗之大惡欺人屢矣不徒見惡於有道

史復齋文集

卷之一

七

長者抑亦不齒於村夫俗子方正之士時而避席良善之家甚且拒姻豈無托求之人急則用而緩則棄亦有酬酢之頃貌則恭而心則非孝弟忠信禮義廉耻一字加彼不得費却一生精力做成醜態用盡千般工巧終被惡名此敗行汚身其害三也大凡仇怨只可相解不可相結每觀好訟之人或一事而數年不已或一年而連訟數事骨肉交噬怨氣流及子孫鄉黨相爭同里竟成吳越積深則報必烈或相時造端構出青禍怨久則謀必工或借手他人圖洩私仇始於小忿之不釋終成大故之莫解此仇怨相尋其

害四也安詳爲福器狂訟多敗家此理之一定者素號訟棍人費十錢彼費一錢分算乃占便宜日住衙端人訟一事彼訟十事合計總是重累法將臨汝勢必蕩業以護身勝或在人不惜傾貲以圖後亦有空拳赤手度日盡在訟中究竟惡滿災生結局總無善狀此破財累身其害五也人以勢利交者不固以險詐交者愈不固惟勝氣爭訟則必徵才匪類明教彼以奸謀乃服其奇計明導彼以刻忍乃稱其果剛事敗則訟者抽事成則謀者功少事經畫便啓邀求應之則欲無厭拒之其禍方速始則計巧必殫助我攻

史復齋文集

卷之一

八

人繼則彌逢稍疎助人攻我隱忍吞聲追悔自咎此曲結匪類其害六也四民均屬良業胥隸乃是賤役惟抱訟不休者常於閭閻共憤之衙齷齪治將之討其口氣探官長若何意旨察其向背決對手曾否賄賂酒館列爲上賓長者奉以尊行幼者聯爲兄弟金錢付於秘室多費者服其穩確寡用者感其備省甚至讀書之士對坐歡飲縉紳之貴握手言私辱莫辱於此矣賤莫賤於此矣此詭媚衙役其害七也寧靜之子與邑宰疎宰恒重之刁訟之輩與邑宰熟宰深惡之苟爲小醜一責罰足矣若屬一方巨室而縱之

不問非所以安善良而整風俗也溺職其奚辭除惡之志既堅去惡之術必周或多訪惡迹以俟其時或預稟各憲以待其來未發時鼓勵金叔既發時風行火烈重或隕身輕亦破家此見惡官長其害八也人生至重者無如祖父言行不怨惡於人則祖父尊爭訟日取勝於人則祖父卑忿極難平恒呪詈其考妣冤結莫洩時誣毀其祖先或摘其先世之愆對眾講談或演爲多端之詞隨處播宣人共憤其子孫之不良遂多信爲祖父之果有此刁訟之人不但自喪其良心取怨於衆口而寔自辱賤其祖父者也此又其

史復齋文集

卷之一

九

害之九也人生至愛者莫如子孫世有以陰德遺者有以詩書遺者有以產業遺者乃如之人滿腹機械陰德奚存案堆狀稿詩書安在費錢擲財產業何有行事毒忍虧盡奕世福星思慮奸巧鑿破後昆靈竅子孫賢良乃屬萬一之望子孫癡愚寔爲天理之宜況士之子恒爲士訟師之子不恒爲訟師乎惡種相傳人鬼共憤其弊更有不忍盡言者此又其害之十也以上弊端人所共知今分析明示以便觀覽警戒俾我士庶悉歸醇靜享享太平之福共安樂利之休則人心幸甚風俗幸甚特示

詰諭里民俗言

人貴有恒業無恒業之人始於喪其心終於喪其身如賭博竊盜訟師等類一經有犯立加重法誰曰不宜但愚民俱係赤子本縣斷不忍不教而刑因作詰諭俗言爾百姓其共體予心

問爾父母生爾日夜懷抱苦辛撫養欲爾爲好人乎爲不好人乎曰欲我爲好人爾親戚朋友鄉黨族衆愛好人乎愛不好人乎曰愛好人今爾賭博竊盜唆訟是個好人乎是個不好人乎曰是個不好人問爾儼然人眉人眼有口鼻有手足也吃飲食也穿衣服

史復齋文集

卷之一

十

因何爲不好人乎曰心上一時糊塗問人心莫不有知爾亦有心何以爲賭博爲竊盜爲訟師豈以此等爲世上好事乎曰也知爲不好事問爾既知爲不好事何不改手去做好事曰心上要改却不知不覺有時又做問爾不改爾父母教人罵爾身子教人賤爾子孫教人輕朋友遠之親戚避之鄉黨族衆絕之爾中心果有何得意乃安爲此乎曰心中亦不安問爾心中既不安何以背心做不好事曰一則慣了手脚不能遽改一則爲貧窮無賴在此中日騙幾文爲過日計問爾年來爲這等事手中果有餘錢乎別人第

而受苦或農或商或工今皆有生計聲名又好過日
又比你強無良心之人天終不佑爾何以不即改去
曰也欲要改因半生爲此等事教人賤罵今即奮然
改去恐人亦終不當個人故安居下流間改過最是
好事爾從前做不好事便是不好人今後做好事便
是好人爾既爲好人豈有不當個人之理況人不怕
有過只要改過爾果行事改存心改端然做個好人
本縣即以好百姓待你後來人信得真自皆以好人
待你又何憂臭名不洗乎曰小人亦有人心從今後
定不走邪路定要做好人決不忍負教誨予曰其姑

史復齋文集

卷之一

十二

釋之以觀其後

戒安逸俗言

逸則思勞則思善安逸誠種禍之門哉士農工商
勤其業者日夕不給安有餘心餘力以及邪事如賭
博姦盜唆訟諸惡行其始由不務正業游手好閑一
至於此深可悲憫因作戒安逸俗言俾家喻戶曉焉
天安逸乎曰否運行不已地安逸乎曰否按序生物
日月安逸乎曰否一日一週山安逸乎曰否日供採
取水安逸乎曰否川流不息人中至貴者無如君君
安逸乎曰否一日二日萬幾早朝晏罷覽閱奏章引

見羣下何勞也降自將相公侯與夫一官一職莫不
各事其事人中生安無如至聖孔子孔子安逸乎曰
否加年學易發憤忘食不知老之將至下此顏子不
情曾子死而後已莫不孜孜勞苦天下至無知者莫
如物物安逸乎曰否禽鳥有血氣之類孳息孕卵飲
啄有求牛任耕馬任行犬守夜鷄時鳴樹木花草等
物亦各應期發生暑不後時六合以內求一物安逸
者不可得也因備書以與我士民共聽之

荒政要畧

史復齋文集

卷之一

十三

救荒無奇策固矣然措置增損克當其宜詎無裨益
不猶勝於袖手者耶今夏秋荒旱民間積粟最少倉
儲不能遍給逃無處食無資淹留待時耳夫天下無
可如何之事必有隨時補救之法旱天災也經理得
當則民荒於天不荒於人利濟無術則民不怨天而
怨國家之草菅民命飢餓積爲忿恨忿恨積爲盜賊
事浸長矣今民墾積粟雖約亦必有充裕者散賑不
能遍及亦可恤救緩急活得一人一人獲再造之福
活得一時一時留再生之想特恐巡撫無式使民不
得沐定惠爲可慮耳茲揆時量勢取古法之可以濟
然者者仿其意列數項具左

一檢報要實

陸宣公曰人情多諛計所厭聞則小其事揣所意悅則侈其言荒上所厭聞也或以十分災作五六分報者有矣豐稔上所意悅也或以二三分收成作六七分報者有矣夫百姓之凶荒未甚則在上之拯救不急民受極災而隱其半彼轉死溝壑者非死於歲而寔死於查荒報荒者之手故檢報之法須細訪確問勿徒問官人宜親行田間或遇耕耨荒之寔數既得老成無知之入詳訪利病可得其真荒之寔數既得卽據寔報上如參差不齊分數不得的確者寧令荒數居多收數居少孟子曰文王視民如傷檢報者宜

史復齋文集

卷之一

三

悉此意

一散賑要均

開倉散粟之弊博哉州縣百餘里俱領取於縣中官倉零星搬運合郡騷紛一弊也縣數萬家盡投領於一處守候之苦盤費之需大不利於窮民二弊也豪強衙棍與吏屬熟者得先領遠鄉貧朴老稚之人或不能卽領或終不得領三弊也有粟之家或竄名混領移糧取利四弊也油滑無行之徒或改名屢領五弊也或吏役受賄賄令人多領六弊也或窮鄉野處不得占升合而衙役吏屬屋積官糧七弊也斗夫高

下其手領不得足數八弊也欲除諸弊宜酌古法行之昔官鄭公知青州河朔大飢勸富民出粟益以官廩擇公私廬舍十萬餘區散處其人以分給之身其事者不必現任之官散之民者不必在官之屬千古稱爲美政胡致堂曰賑飢莫要乎近其人行義云所儲倉米遇有荒年照數量支以出計其道里之費量以爲賙運之當社之間以給散之此皆賑荒至當不易之法可參酌行者也卽以黃陰縣論縣主於未開倉之日規定法式榜諭四鄉使各靜聽遵守其法先計定倉內應散糧若干不得其寔數卽以其數酒

史復齋文集

卷之一

十四

派二十七里每里應得糧若干石大張告諭令合縣通知各里立里長四人士民二官須公直有義行者各堡立堡長二人合堡官並立於里長堡長查本堡窮民並其家人口多少每家註明數目造爲領糧名冊冊面註明通堡窮人數目有粟者不得混入貧弱者不得遺漏冊成投之里長里長又持冊巡行各堡驗問的寔呈冊縣主用印仍付里長收存縣主擇定開倉日期卽先時出榜云某日散某里糧應列分明聽領此日須要照榜文散說令各還歸各里里長至散糧日卽以運夫至縣搬取或運至縣內別處

里長盤費連夫驛價
口食俱在官糧中酌

內窮民合算共若干

若若干數里長卽書明

期堡長領各堡窮民

與之煩碎如此里長方不分糧者亦

自平允無弊

此事宜簡便公平官以

長散之窮民胥吏不

不煩勞民得均沾諸

如更有官項賑濟或

五

此法則富民滑棍不

死病幼弱不至鬪鬪道

落近弊哉

第一要着里長得人
制宜不然亦恐生出

會彼取此照里散

論居坐落在何處
有十甲以墾長易

人同本甲催役查貧
完稅遲速甲中人素

為酌有撓此說者曰倉
官累耳此不知理

赤子也赤子飢餓將不令食之心亦忍矣

一 勸富出粟

古人云積粟之家凡出米賑濟係崇尚義風不與進

納同宜破格殊禮遇之宋仁宗遇災傷勸富民出粟

秩以官爵蓋富民散粟惠鄰自古然矣國家歲飢必

蠲長稅貧民田少獲益至微徒利富民耳安可不推

其餘代王養民乎且鄰里困窘常思甘心於富者何

若以義聲沮之其法堡長舉木堡竄戶於里長量其

積粟多寡分爲上中下三額里長審察的寔列具名

冊呈縣縣主隆禮優待開導勸諭卽照上中下酌其

出粟數目以紅筆註之冊中本名下用印訖仍付里

史復齋文集

長里長將本里富戶所出粟數洒派本里窮民每口

應得粟若干數其本堡富民粟卽照應得數散本堡

窮民里長至其堡合堡長同數不足者復以他堡民粟撥補如

有餘復撥散他堡窮民本里粟止分給本里不與合

縣通籌此只就華陰言若他邑有積粟極多者可易酌之庶免紛更之累亦

篤近鄰之義事畢縣主據冊報上以俟殊賞富人許

收領冊豐年貧人照所得數償還

一、嚴禁劫奪

辛棄疾帥湖南賑濟榜文用八字曰閑糴者配勅禾

者斬一郡帖然後世遇飢饉流民凡有竊盜事俱以